

M165: Hoffmannsche Predigtsammlung

9r,1 iz dar nach wider komen ze siner erern nature . Dannoeh do
 9r,2 er in dirre werlde was . do wart er gefuret in die himele . da sach
 9r,3 er alle die tvogen der himelischen dingen . Do in got zuo sinem
 9r,4 riche nemen wolde . do gieng er lebentiger in daz grab . unt
 9r,5 kom ein lieht uon himele ubir daz grab . unt in dem liehte:
 9r,6 do sciet der gotestruot uon dirre werlde . Do man daz grab do
 9r,7 dar nach uof tet . do ne uant man dar inne niht wan himelbrot:
 9r,8 Uon diu glovbe wir daz . daz er hivte mit libe unt mit sele uor
 9r,9 dem almehtigen got ist . da mag er iv hiute wol fruome sin
 9r,10 unt aller der xpenheit . Nu sente wir in hivte ze boten ze .
 9r,11 unserm schephaere . daz er uns da erwerbe antlaz unser sunten
 9r,12 unt frist sine hulde ze uerdienen . daz er uns des helfe daz
 9r,13 wir in gesehen in sinem riche: Ubi ipse uiuit In c'cu-cisio-e dn-i .
 9r,14 Ubi Uenit plenitudo temp-ris misit ds filium suu- ut eos
 9r,15 qui sub lege erant redimeret . Iz waere michel reht . daz wir
 9r,16 iu hivte an disem tage . uil flizeclich unt uil uolleclich
 9r,17 daz goteswart uor spraechen . wan dirre tac der ist aein aneenge
 9r,18 disse iares unt waere daz reht . daz ein iegelich xpenmennische
 9r,19 sich hivte uil flizecliche befulhe . in die gnade
 9r,20 unsers herren . daz er in beschirmete in disme iare . uor dem
 9r,21 gaehen ende . unt for allen den dingen . die im scedelich waeren
 9r,22 an dem libe odir an der sele . Nu ne dunket auer uns daz cit
 9r,23 niender lenger denne in dem gotes huose . da wir sculen
 9r,24 komen ze den hulden unsers schephaeres . unt da man uns
 9r,25 scol uor sagen . wa mit wir komen scolten zuo den ewigen
 9r,26 gnaden . Daz scuolt ir uil wol wizen . daz daz kumet uon den

9v,1 lagen des laeidigen uientes . quoniam aduersarius noster diabolus quasi
 9v,2 leo rugiens circuit quaerens quem devoret . Wand der unser widerwarte
 9v,3 der uert umbe also der lewe ginente unt suochende
 9v,4 wen er uersunden mege . Uon diu min uil lieben . swenn ir
 9v,5 her ze kyerchen komet . so scuolt ir gedenken waz ir wider
 9v,6 got getan habet . unt scuolt iwer sunte klagen . unde scuolet
 9v,7 hie weruen nach iwes schepheres huolden . So ne moht ir
 9v,8 undir diu da haeme niht geschafen . des ir so grozen fruom
 9v,9 gewuonnet . want swenn ir birt in iwes schephaers huolden .
 9v,10 so gibet er iv heil unt saelde . z allen iwern dingen . unt uerlihet
 9v,11 iv doch nach disem libe den ewigen lip . Dise rede habe

9v,12 wir durch daz gitan . wan dirre tac ist ein aneenge disse
 9v,13 iares . daz ir ivch hutte uil flizeclichen waffent . wider
 9v,14 den laeiden uient . und ivch hutte beuelhet uil flizecliche
 9v,15 in die schirmunge des almaehtigen gotes . mit iwerm almuosen .
 9v,16 mit iwerm gebete . daz er ivch hutte bescherme
 9v,17 uor huopthafter sunten . unt uor werltlichen schanden .
 9v,18 uor dem gachen ende . uor allen widerwertigen dingen .
 9v,19 daz ir auer disen tac muozet geleben mit fride unt mit
 9v,20 gnaden . Durch daz so hat unser herre disen tac . mit sin
 9v,21 selbes hochcit gezieret unt gesaeliget . daz ir deste baltlicher
 9v,22 hivte geflieden muoget zuo sinen gnaden . Hutte bege wir
 9v,23 daz unsir herre an dem ahtodem tage nach siner heilige-
 9v,24 gebuort besniten wart . nach der alten e . unt daz im der
 9v,25 nam gigegeben wart . den im der heilige engele gescaffen het .
 9v,26 e er ie zuo dirre werlde geborn wuorde . Er wart geheizen

10r,1 ih-c id est salvator . daz tuter heilant . want er was der uns
 10r,2 alle geheilet hat . uon allen unsern sunden . unt der uns gefriet
 10r,3 hat zu den ewigen gnaden . Uon div min uil lieben so scuolt ir
 10r,4 hiute got biten umbe daz haeil iwer sele . unt scuolt hiute biten
 10r,5 mine frwoen sente maeRien . daz si iwer hivte gedenke gnaedicliche
 10r,6 da en himele . uor ir truotsun . Si ist diu der wir alle
 10r,7 unser not klagen scuolen . wan uon ir ist uns allez unser heil
 10r,8 komen . uon ir bir wir alle uon dem tode irledeget . uon ir
 10r,9 bir wir alle gezalt undir diu gotis kint . mit ir helfe
 10r,10 scuol wir alle unser not ubirwinden . mit ir helfe muze
 10r,11 wir alle komen zuo der gnist des ewigen libes . Swelech mennische
 10r,12 ir in dirre werlde dienet mit flize . dem ne mac niemer
 10r,13 missegen . wan des uorspreche ist si taeglich uor ir
 10r,14 truotsuon . unserm herren dem almaehtigen got . Ein kurze
 10r,15 warnunge scuolt ir merken an disem tage . div ist iv guot
 10r,16 ze dem libe unt ze der saele . Div alt haidenschaft spuolgte hie
 10r,17 beuor an dirre naht unt an disem tage . ze begen uil manegiv
 10r,18 dinc . da mit sie sich ergaben in den giwalt des leidigen uientis
 10r,19 Uon dem selben sit ist sin noch ein taeil in der heiligen xpenheit .
 10r,20 daz si ze disem cite mer unglvoben begent . unt uoppeclicher
 10r,21 dinge . denne z anderen citen . Des warne wir ivch
 10r,22 hutte in dem namen des almaehtigen gotes . swer dir noch
 10r,23 unscuoldic si der lob des got . Swer sich auer des scuoldic wize
 10r,24 daz er dekein dinc odir dekein sogitan spil begangen hat .
 10r,25 daz wider den xpenlichen glvoben ist . daz er des sin buoze beste
 10r,26 wan wir daz uon den buochen haben . swelich mennische dar

10v,1 an irfunden wirt . daz iz die gemeinde der heiligen xpenheit da
 10v,2 mit uerworht hat . Da uor behuote ivch hutte der almehtige got .
 10v,3 unt geruoch ivch ze haben in sinem scherme durch willen siner
 10v,4 truotmuoter senter maeRien . daz ir nach disem libe . besitzen
 10v,5 muozet den ewigen lip . Sermo in epiphania domini nostri .

10v,6 Tribus miraculis ornatum diem sanctum colimus quoniam a magis
 10v,7 Christus adoratus est . et ex aqua vinum factum est . et in Iordane
 10v,8 baptizatus . waere daz ivch des niht betraget . unt daz wir
 10v,9 daz wol geleisten mohten . so mehte wir iv uil kuome hin
 10v,10 umbe abent uolgesagen . diu manegen grozen zeichen . div
 10v,11 min traecht in hutte an disem tage mit der kristenheit begangen
 10v,12 hat . Doch scuolt ir kuorzlichen uernemen . waz wir hivte
 10v,13 naemelichen an disem tage begen . Do unser herre in dise werlt
 10v,14 uon sente MERien geborn wart . do erschein aein sterne schoner
 10v,15 unt liechter . daz bedivtet daz . daz der herre geborn was .
 10v,16 der schephaere was himeles unt erde . unt aller dinge . Do
 10v,17 waren drie kunige uerre in der haedenschefte . die ein
 10v,18 iegelich dinch wol an dem gestirne kunden gisehen . die
 10v,19 sahen wol an dem selben sterne . daz der herre geborn was .
 10v,20 der kunic was aller kunige . unt der giweltic was ubir
 10v,21 himel unt erde . Do huoben si sich uoz ir lande . unt en twalten
 10v,22 nie . unze daz si komen mit dem geleite des selben
 10v,23 sternes . fur daz huos da unser frwoe sente MERie inne saz
 10v,24 unt in ir schozze hete ir truotsun unsern herren ih-m xp-m
 10v,25 Stella quam viderant in oriente antecedebat eos usque dum
 10v,26 veniens staret supra ubi erat puer . Der sterne sprichet

11r,1 diu heilige schrift . der ne begab siv nie . unze daz er gestuont
 11r,2 ob dem huse . da daz kindelin inne was . In daz huos giengen
 11r,3 die kunige . mit micheln frvoden . want si do wol sahen . daz
 11r,4 si niht irre waren geuarn . Dar inne funden si die ewigen
 11r,5 maget . unser frwoen sente meRien . mit ir trvotsuon . den si
 11r,6 ze dirre werlde gebar . wariv maget unt iemer maget ist .
 11r,7 Da uielen si fur daz kindelin . unt betten iz an . Dar nach zugen
 11r,8 si uoz ir gebe . unt oppherten im golt . unt mirren unt wirovch .
 11r,9 Mit dem golde beduten si daz . daz er waerlich got waere unt
 11r,10 kunic aller kunige . Daz wirovch als ir wol wizet . daz biderbent
 11r,11 die ewart da ze dem gotisdienst . da mit beduoten si
 11r,12 daz . daz er der ewart was . der sich selben oppherte sinem
 11r,13 uater . an dem heiligen krivce fur alle die heiligen xpenheit .
 11r,14 Die mirren die biderbet man dicke da man die toten
 11r,15 wandelt . da mit beduoten si daz . daz er den tot kiesen wolte .
 11r,16 durch daz . daz er uns alle uon dem ewigen tode erlediget .
 11r,17 daz ist div groze hochcit die wir hivte begen . daz unser
 11r,18 uorder die heiden . uon den wir alle komen birn . hiute
 11r,19 allererist den waren gotessuon begunden . erkennen . unt
 11r,20 daz des got geruochte . daz er sie hiute an disem tage geladet
 11r,21 hat . zuo den sinen gnaden . wir begen ovch hutte . daz unser
 11r,22 herre an dem drizegisten iare . nach siner heiligen gebuort .
 11r,23 des geruochet . daz er getovfet wart . uon sente IoHanne in
 11r,24 dem iordane . Der tvofe waer im undurft gewesen . want er
 11r,25 nie dehein sunde begie . noch im nehein sunt was angeborn
 11r,26 uon siner gebuorte . da fur div tvofe gesetzt ist . wan daz

- 11v,1 er mit siner toffe . uns alle die heiligen tuofe gewihet unt geeret
 11v,2 hat . wande an die tuofe so ne mohte niemer dehein
 11v,3 mennische zuo den uollen gnaden komen sin . des ewigen libes .
 11v,4 wand in der tuofe wirt der mennisch dem leiden uierend
 11v,5 entsaget . unt wirt got getermet . unt wirt benomen dem
 11v,6 tode . unt wirt gefriet dem ewigen libe . Diu gnade min
 11v,7 uil lieben div anegenget sich elliu an disem tage . an disem
 11v,8 tage do geruhte des unser herre . daz er kom zuo den bruotluofen
 11v,9 sines truot sente IoHannis eugliste da machet er daz
 11v,10 wazer ze wine . daz was sin erstез zeichen . daz er selbe in
 11v,11 dirre werlde begie . do er bredigen begunde . da mit er
 11v,12 sinen gotlichen giwalt eroffente . unt da mit er sine iunger
 11v,13 in sinem dinest geuestente . An disem tage do irkuocket er
 11v,14 lazarum uon dem tode . unt gab uns suntaeren micheln trost .
 11v,15 want als er in irkuckte an dem libe . daz er uns alsam erkuocchet
 11v,16 an der sele . ob wir sin gnaden uersuoehen . Nu min uil
 11v,17 lieben waere dirre zeichen einez geuallen an disen tac . so scolt
 11v,18 wir in billich eren . nu in auer unser herre mit so manigen
 11v,19 zeichen gezieret hat . so ist daz michel reht . daz wir disen
 11v,20 tac mit michelm flize begen . unt daz wir hutte got dienen .
 11v,21 mit unserm kirchgange . mit unserm almusen . mit
 11v,22 allen guoten werken . Ne appareas in aspectu dei tui uacuu
 11v,23 Wir sculn hivte bilden . unser fordern die heiligen kunige .
 11v,24 die an disem tage hivte komen . mit ir oppher . zuo den kindilbetten .
 11v,25 miner frwoen sente maerien . wir sculn uns des huoten .
 11v,26 daz wir mit iteler hant . iht komen fur die bescvode

 12r,1 unsers schephaeris . Waz scul wir nu bringen . wir scuoln ime
 12r,2 bringen den rehten glvoben . die milte . die barmunge . die
 12r,3 kiusche . unt anderiv gutiv werch . so lonet er uns . niht mit dem
 12r,4 zegenlichem lone . er lonet uns mit dem richtuom der niemer
 12r,5 zergert . Er gibet uns die ewigen wuonne . umbe disiu uil ungewissiv
 12r,6 dinch . Nullum malum inpunitum nullum bonum irremuneratum .
 12r,7 also wol so ir daz gelovben scuolt . daz nehein ubil ist . ez
 12r,8 en muoze dem mennischen abe genomen werden . aeintweder
 12r,9 in dirre werlt . oder in iener werlt . also scuolt ir daz wizen . daz
 12r,10 ir niemer nehein guot so wenigez getuot . iz en uergelt iv got
 12r,11 zehenzechualtech in dirre werlt . unt in sinem riche . Uon diu
 12r,12 min uil liebe so flieheth hivte zuo der helfe miner frwoen sente
 12r,13 maerien . daz si ivch hivte beuelhe ir truotsvone . daz er ivch bringe
 12r,14 ze den hulden sines uater . unt daz er iv helfe zuo den hulden .
 12r,15 unt iv uerlihe daz ir also gelebet in disem ellenden libe . daz ir
 12r,16 besitzet daz riche . daz er gegaervvt hat uon anegege der werlt
 12r,17 allen sinen heiligen . Prestante domino nostro . Dominica in septuagesima
 .
 12r,18 Quomodo cantabimus canticum domini in terra aliena . Hutte heuet
 12r,19 sich ein niwez cit ane . uor den heiligen ostiren . daz sich

- 12r,20 allez daz ampte uerwandelt . des man phleget in dem
 12r,21 heiligen gotisdienest . Daz frolich sanc daz wir allez ditze iar
 12r,22 sungen . alleluia daz uermide wir nu . unz an den heiligen abent
 12r,23 ze ostern . Uon wanne sich der sit erhaben habe in der heiligen
 12r,24 xpenheit . unt waz er bedivte . daz scuolt ir kuorzlichen uernem- .
 12r,25 wand wir alle da mit gemaeinet birn . die daz erkennennt . daz
 12r,26 wir sin in disem ellende . vnt wir des gedingen . daz wir noch

 12v,1 komen scuoln in daz unser erbelant . in daz frone paradyse . Hie
 12v,2 beuor do daz israhelisch uolc . da ze ierl-m mit fride unt mit
 12v,3 gnaden was . do erhuob ez sich so uerre . daz si griffen wider got .
 12v,4 unt uerworhten sine hulde so uerre . daz er des uerhancte daz
 12v,5 ein kunic uon babylonie der hiez nabuchodonosor der kom
 12v,6 mit here ze ierl-m . unt giwan in die stat ane . unt zefurte
 12v,7 allez daz da was . unt fuorte die iuden alle in uancnisse ze
 12v,8 babylonie . da waren sie in uancnusse sibenzech iare . Illic
 12v,9 sedimus super flumina babylonis et flevimus dum recordaremur syon
 12v,10 In der uancnusse liden si so groze not . unt gie si der iamer
 12v,11 so grozlichen uon ir heimode ane . daz sie sazen ubir div
 12v,12 wazer . div da runnen uon babylonie . ze ierl-m . unt weinten
 12v,13 dar in . daz die zahere fluzen ze ierl-m . unt den iamer da
 12v,14 kundeten unt die not . die sie in der uancnuosse liden .
 12v,15 Do si do die babyloniaer fragten uon dem gesange . daz sie
 12v,16 da ze ierusalem gesungen heten . do sprachen sie . “Wie mohte
 12v,17 wir in disem fremeden lande gesingen . daz frolich gesanc .
 12v,18 daz wir da haeime sungen in unserm lande .” Mit sogitanem
 12v,19 iamer min uil lieben uerdienten si daz . daz sich got
 12v,20 ubir si irbarmite . unt daz er sie ubir sibenzech iar irloste .
 12v,21 uoz der uancnuosse . unt sante sie wider ze ierusalem in
 12v,22 ir aeigen lant . Nu min uil lieben . disiv rede div bezeichent
 12v,23 unser uordern . adam unt euam . die got im selben ze lob
 12v,24 unt ze eren gescuof . also wir in disem cite lesen unt singen .
 12v,25 unt satzet sie in daz pardyse . daz sie dar inne waeren iemer
 12v,26 untotlich unt an alle arbait . unze daz sie got zu sinem

 13r,1 riche braechte . Der eren der ubirhuoben sie sich also uerre
 13r,2 daz sie ubirgiengen daz gebot unsers herren des almaechtigen
 13r,3 gotis . daz si uerluren die hulde ir scephaaeres . unt wuorden
 13r,4 durch ir ungehorsam uerstozen der gnaden . da sie got het
 13r,5 zuo geschaffen in ditze ellende . da si iemer mer mit noten
 13r,6 inne wesen muosen . mit aller ir affeterkomen . unze daz
 13r,7 sich got ubir den armen mennischen irbarmete . unt daz
 13r,8 er den irledigete . min sin selbes tode . unt gab im friheit
 13r,9 wider zu ierusalem . zuo den ewigen gnaden . Durch daz min
 13r,10 uil lieben so laze wir die alleluia hinnen unze ostern . unt
 13r,11 ander frolich sanc . daz wir da mit bedivten . also die iuden
 13r,12 begiengen die ostern . daz si erlediget wuorden . uon der uancnusse
 13r,13 uz babylonia . daz uoch wir des gedingen . daz wir alle

- 13r,14 dar komen scuoln . zuo den gnaden . da die ewigen oster sint .
 13r,15 da ze den himelischen wunnen . Daz cit daz wir nu begen .
 13r,16 unze hin ze ostern . daz bediutet daz ellendlich leben . da wir
 13r,17 inne birn . die wile wir leben in dirre werlt . Nu min
 13r,18 uil lieben . nu scuol wir waeinen in die wazer . die da rinnent
 13r,19 uon babylonie ze ierusalem . Mit babylonie ist bediutet
 13r,20 disiv werlt . mit ierusalem ist bediutet daz himelriche .
 13r,21 Div wazer diu da enzwischen rinnent . da mit ist bezeichent
 13r,22 div heilige schrift . unt die heiligen saele die uon dirre werlde
 13r,23 uerscheiden sint . Die scul wir an weinen . bi den scule wir
 13r,24 unser botschaft enbieten . nu si komen sin zuo den ewigen
 13r,25 gnaden . daz ovch si uns helfen . daz wir also geleben in disem
 13r,26 ellende . daz wir daz uerdienen . daz wir gesehen unt besitzen
- 13v,1 muozen . unser rehtez erbe . die himelischen ierusalem . Nu
 13v,2 min uil lieben in disem cit liset man uns andires niht . wan wie
 13v,3 unser fordern . ir erbe daz frone pardyse uerworrhten . unt
 13v,4 wie si in ditze ellende komen mit ir hochuerte . unt sage
 13v,5 wir iu daz ovch uor . daz ir daz bedenket daz da geschriben
 13v,6 ist . quoniam non habemus hic manentem ciuitatem . daz sprichet . daz
 13v,7 wir hie nehein staetigez wesen niht gehabt mügen . unt dar
 13v,8 nach arbeitet mit iwerm almuosen . mit iwerm gebet . mit allen
 13v,9 guoten werken . daz ir dar komet . da daz stetige wesen . unt
 13v,10 daz wuonneclich leben ist . daz ist da ze den ewigen gnaden . Dar
 13v,11 bringe ivch der almechtige got . am- . Sermo in quadragesima
 13v,12 Ecce nunc tempus acceptabile ecce nunc dies salutis . Nu
 13v,13 min uil lieben div cit div wir nu begen . div sint div
 13v,14 hersten cit . div wir begen in allem iare . want dise
 13v,15 tage . die scuol wir geben ze zehenten unserm herren dem almaechtigen
 13v,16 got . uoz allen unsern iaren . unt scuoln in disen
 13v,17 tagen uersuonen allez daz wir haben gesundet . wider die
 13v,18 hulde unsers scephaeres . unt wider unser sele . Durch daz
 13v,19 sprichet div heilige schrift . daz disiv cit sin div cit des
 13v,20 heiles . unt daz dise tage sint die tage . in den wir alle unser
 13v,21 saelicheit uerdienen scuoln . Uon diu min uil lieben swelech
 13v,22 mennische iemer decheinen gedingen wil gewinnen
 13v,23 ze dem almechtigen got . der scol sich des flizen in disen tagen .
 13v,24 wie er sich genaehze ze den hulden des almaechtigen gotes . Ir
 13v,25 scuolet in disen heiligen tagen . uor disen heiligen ostern . die
 13v,26 marter unsers herren ih-u xpi setzen in iwerm gemuote . unt
- 14r,1 scult gedenken daz ir also gelebet in dirre vasten . daz ir an dem
 14r,2 osterlichen tage . ettewaz habet ze zeigen . engegen der marter
 14r,3 unsers herren . Ir scuolt in disen tagen uil flizeclichen ze kyerchen
 14r,4 gen . ir scuolt uil kiusclichen leben . ir scult iwerm libe enziehen
 14r,5 mit ezzen unt mit trinken . mit spil . mit allen dingen die
 14r,6 ze der werlde gehorent . unt scult ivch des flizen . waz ir der dinge
 14r,7 begen muoget . da sich div sele mit gelabe . Ir scuolt ivch des flizen

14r,8 daz ir taeglich iwer almuosen gebet . da mit ir iwer sunde leschet
 14r,9 in disen haeiligen tagen . want div heilige schrift sprichet Sicut
 14r,10 aqua extinguit ignem ita eleemosyna extinguit peccatum . also daz
 14r,11 wazer leschet daz fivre . also leschet daz almuosen die sunde .
 14r,12 aller der guottaete die der mennische begen mac in dirre werlt
 14r,13 der n ist neheiniv so groz uor got . so daz almuosen . als ir die
 14r,14 armen gefrwoet mit dem almuosen . so habet ir ivch uersuonet
 14r,15 wider den almehtigen got . so birt ir in der friuntschefte alles
 14r,16 himelischen heres . also saeliclich so iv daz ist . daz der arme uon
 14r,17 iv getroeste unt gefrwoet wirt . also freislich ist iv daz . swenne
 14r,18 dechein arme mennisch uon iwern schulden getruobet unt
 14r,19 geuonfrwoet wirdet . wan da gescriben ist . Nonne lacrimae viduae
 14r,20 ad maxillam eius et exclamatio earum super educentem eas? Et dominus
 14r,21 exauditor earum non delectabitur in illis . Swenne dem armen uallent
 14r,22 die zaeheren an daz wange . so ruofent si hin ze himele . fuor den
 14r,23 stuole des almaehtigen gotes . ubir den der si da beweget hat .
 14r,24 die richet der himelisch kunic . der aller witewen unt weisen
 14r,25 uoget ist . Nu min uil lieben . dise rede scult ir merken .
 14r,26 mit michelm flize . unt scult unsern herren eren an den armen .

14v,1 want swenn ir den armen missehandelt . so birt ir in der achte
 14v,2 des himelischen kuniges . Swenn ir den armen gefrwoet . so habt
 14v,3 ir got gefrwoet unt allez himelischez here . Uon diu min uil lieben .
 14v,4 welt ir ditze saeliclichen uersten . so scuolt ir ivch behalten an
 14v,5 den armen . Swae ir den armen seht . ne habt ir im niht ze geben .
 14v,6 so gruozet in doch minnelichen . unt helfet im al nach
 14v,7 iwern staten . so leschet ir iwer sunde . unt uerdienet och die
 14v,8 ewigen gnade . so habet ir saeliclich geuastet . so luhet iwer
 14v,9 uaste uor dem almaehtigen got . want wir lesen daz cornelius
 14v,10 ein heidinischer man . mit sinem almuosen uerdienet . daz er
 14v,11 kom ze den hulden des almehtigen gotes . Nu . min uil lieben . ubir
 14v,12 allez iare . scolt wir uns flizen in dem gotisdienst . wie wir
 14v,13 daz himelrich uerdienten . Leider da uersume wir uns uil
 14v,14 harte an . want wir uns ubir allez iar . niht anders flizen .
 14v,15 wan wie wir dem libe . sines willen . unt sines gemaches faren .
 14v,16 Durch daz min uil liebe . hat uns got dise uierzech tage
 14v,17 gesetzt . uor disen heiligen osteren . daz wir doch nu der sele
 14v,18 helfen . unt swaz wir ubir allez iar . wider got getan haben .
 14v,19 daz wir daz uersuonen in disen heiligen tagen . Alio tempore
 14v,20 ieunare aut remedium est aut salutare isto vero tempore non
 14v,21 ieunare peccatum est . Disiv cit min uil lieben . div ist uor
 14v,22 andern heiligen citen . want swer z andern citen got . dienet
 14v,23 der scol daz in disen tagen gemeren . der aber got niemer niht
 14v,24 gedienet ubir ubir allez iar . der scol daz allez uersuonen in
 14v,25 disem heiligen cite . Uon diu min uil lieben so scult ir merken .
 14v,26 wie ir dise uasten behalten scuolt . Commendants vosmet

15r,1 ipsos in multa patientia per arma iustitiae virtutis dei . Ir scuolt iuch

15r,2 ze got fugen . mit allen guten werchen . Ir scult gerne zu dem gotisdienest
 15r,3 gen . Ir scuolt niemen dechein leit tuon selbe noch raten . Ir
 15r,4 scuolt barmherce unt milte sin . Ir scuolt den fride gerne machen
 15r,5 unt behalten . Ir scuolt kiuschlich unt raeinlichen leben . Ir scult
 15r,6 die maze an ezen unt an trinchen behalten . Ir scuolt geistliche
 15r,7 frvode minnen . werltlich hochfart miden an disen tagen . Disiv
 15r,8 dinch div horent elliu ze der heiligen fasten . Ist daz ir disiu
 15r,9 dinch rehte behaltet . so habet ir saeliclichen gefastet . so wirt
 15r,10 iv gelonet mit den ewigen gnaden . Des helfe iv der almaehtigiu
 15r,11 got . daz ir ime also gedienet in disen heiligen citen . daz
 15r,12 ir mit im ersten muozet . an dem heiligen urstendlichem tage .
 15r,13 ze frovden unt ze gnaden . iwer libe unt iwer sele . In annunciatione domini
 15r,14 Porta haec clausa erit et vir non transiet per eam . quia Dominus
 15r,15 Deus Israel ingressus est per illam . Disiu hochcit min uil liebe
 15r,16 die wir hiute begen . diu ist ein aneenge aller hochcit
 15r,17 wand an disem tage . do huob sich elliu diu gnade . diu dem
 15r,18 armen mennischen geschehen solde . an disem tage leist der
 15r,19 almehtige got alle die geheize . die er uns geheizen hete . uon
 15r,20 aneenge der werlde . wand an disem tage . sant er sinen
 15r,21 einborn sun her in erde . daz er die mennischeit hiute an sich
 15r,22 naeme . uon der ewegen magede miner frwoen sente MERien .
 15r,23 Div enphienge in hivte . uon dem heiligen geiste . mit der frone
 15r,24 boteschaefte des almaehtigen gotis . Diu botschaft als uns daz eugl-m
 15r,25 saget diu wart empholhen dem heiligen gotis engele
 15r,26 sente gabrieli . Der kom ze nazareth . da diu frwe saz in einer

 15v,1 kemnaten . unt gie zuz ir . unt gruozte sie mit disen Worten .
 15v,2 “Ave maRia gratia plena . Dominus tecum . benedicta tu in mulieribus .
 Heil
 15v,3 wis tu maRia” sprach er . “got ist mitsam dir gesegenet bist u
 15v,4 undir den wiben .” Diu frwoe irkom sich harte des gruozsals .
 15v,5 unt begunde ze denken mit ir selber . waz daz gruozsal bediuten
 15v,6 mohte . wand sie der heilige geist also behalten hete . daz
 15v,7 sie sich weder mit Worten . noch mit werken . noch mit gedanken .
 15v,8 nie neheinem manne hete zu gefugete . Do troste sie
 15v,9 der heilige engele unt sprach . “Ne timeas . maRia invenisti
 15v,10 enim gratiam apud Dominum . Ne furhte dir niht maRia” sprach . er .
 15v,11 “du bist swanger worden eines kindes . unt gewinnest ainen
 15v,12 suon . den scolt u heizen Jesum . der wirdet here unt giwaeltic
 15v,13 unt wirt gehaeizen ein suon des obiristen gotes .” “wie mohte
 15v,14 daz werden” sprach div heilige maget . “want ich neheines
 15v,15 mannes kuonde nie giwan .” Des antwuorte ir der angelus .
 15v,16 “Spiritus sanctus superveniet in te et virtus altissimi obumbrabit tibi .
 15v,17 Der heilige geist” sprach er “der kom ubir dich . unt div gotiskraft
 15v,18 beschaetwet dich . uon div der uon dir geborn wirt .
 15v,19 daz ist der ware gotessuon .” Do sprach div heilige maget . “Ecce
 15v,20 ancilla Domini fiat mihi secundum verbum tuum .” Daz sprichet “ich
 15v,21 bin ein diu des almehtigen gotes . nu muoz iz mir irgen also

- 15v,22 du mir geheizen hast .” Bi den worten wart div maget swanger
 15v,23 uon dem heiligen geiste . unt begunde grozen uon der
 15v,24 gotischrefte . unze an den heiligen tac ze winahten . Des
 15v,25 nahtes braht si uns ze dirre werlde . den waren gotessun .
 15v,26 der uns alle mit sinem tode . uon dem ewigen tode erlediget
- 16r,1 hat . unde uns alle braht hat ze den hulden sines ewigen uaters .
 16r,2 Nu min uil lieben . diu gnade anegenete sich elliu an disem
 16r,3 heiligen tage . Der trost kom uns aller uon miner frwoen sente
 16r,4 MERien . der tulte wir hivte begen . Dirre tac der ist so
 16r,5 uorderlichen heilic . daz in nehein zunge . noch nehein rede .
 16r,6 ze uollen giloben mac . An disem tage hivte saget uns diu
 16r,7 heilige schrift . ist geuallen maniger slahte zeichen . daz
 16r,8 groziste unt daz heiligiste zeichen ist daz . also div heilige
 16r,9 kristenheit beget . also wite so div werlt ist . daz div frone
 16r,10 gebuort mines threhtines geboteschefte wart . der heiligen
 16r,11 frwoen sente MERiEN . uon dem heiligen engile sente Gabriels
 16r,12 also wir iv hivte gisaget haben . an disem tage saget uns
 16r,13 div heilige schrift . daz got die werlde uon aneenge geschaffen
 16r,14 habe . an disem tage erlost der gotes suon . unt der meide
 16r,15 suon die werlt mit siner martir an dem heiligen chrivce .
 16r,16 Uns saget ovch div heilige schrift . daz ze den selben stunden
 16r,17 als an disem tage . sente Iohannes der uil heilige man unsers
 16r,18 herren tvofere gehuopte wart . als wir hin ze herbist begen .
 16r,19 An disem tage wart sente Peter irloset uon zwein ketin . da
 16r,20 mit er gebunden was . Uns saget ovch div heilige schrift . daz
 16r,21 ze den selben stunden . do der erste man gischaffen wart in
 16r,22 paradyso . ze der selben wile wart der gotissuon enphangen
 16r,23 uon miner frwoen sente maeRien . Min frwoe sente maeRie
 16r,24 ist ein paradys des wuonneclichen obizes . si ist ein brunne
 16r,25 der garten want uon ir uil reinem libe wuohs daz holz des
 16r,26 lebins . unt ist uon ir geflozen . der brunne des wistumes .
- 16v,1 Uns saget ovch div heilige schrift . daz ze der wile do adam daz
 16v,2 uerboden obiz eze . daz zuo der selben wile der heilige krist . an
 16v,3 dem heiligen krivce mit gallin unt mit ezziche gitrenkit
 16v,4 wuorde . zuo der selben wile unt min trehtin den ersten man
 16v,5 durch sine unghorsam uoz dem paradyso stiez . an der selben
 16v,6 wile fuort er den schacher uon dem galgin des crivces in die
 16v,7 schonheit des pardyses . Disiu zeichen sint elliu giuallen
 16v,8 an disen uil heiligen tac . Nu min uil lieben der maze unt
 16v,9 iwer iegelicher gilaeisten mege . so irbietet miner frwoen sente
 16v,10 MaRien etteliche ere . iwer iegelich bisunter . mit kierchgengen .
 16v,11 mit uenien . mit gebet . mit almuosen . mit uastin .
 16v,12 unt weset des sicherlichen giwis . daz sie ivch niemer an
 16v,13 deheinen noeten uerlat sie ne helfe iv dar uoz . Wir wellen
 16v,14 iv sagen uon ir gute . unt uon ir gnaden ein kurcez maere .
 16v,15 des en scol ivch niht betragen . wand wir hivte anders niht

16v,16 ze tuon haben . wan daz wir got dienin schuoln . unt siner
 16v,17 truotmuoter . Iz was ein iunger phaffe . dem was div werlt
 16v,18 leider gar ze liebe . mit elliv div unt er sich geflizen mohte
 16v,19 dienet er der werlt . mit frwoen . mit ezzin . mit trinken .
 16v,20 mit stolzen gibaerden . mit wol stendim giwande . mit
 16v,21 manigen sachen . Unt iedoch swie er gitaete . doch het er
 16v,22 unser frwoen sente maeRien . z allen wilten uor sinen ovgen .
 16v,23 Swie unmuozich er mit der werlde waere . so ne uergaz er
 16v,24 des niemer . er ne spraeche die tagecit uon unser frwoen
 16v,25 naht unt tac . Nu het er ein uil liebe friundinne uerholn .

17r,1 die ne moht er niemer gisprechen . wan nach mettin . So
 17r,2 man ie fronmettin ze dem tuome gisanc . so gie er ubir
 17r,3 ein wazzer . ubir einen hohen stec . zu siner amien . unt uermisset
 17r,4 iedoch des niemer . swie gach im were . oder swie liebe
 17r,5 im waere zuo siner iuoncfwoen . er ne spraeche iedoch unser
 17r,6 frwoen mettin untirwegen . So er daz guot wile getribet .
 17r,7 seht wa eines nahtes so er kumet mitten uof den stec . do was
 17r,8 der stec giforn . unt beslifet im der fuoz . unt uellet in daz
 17r,9 wazzir unt irtrinket . Innir div min uil lieben so er allezan
 17r,10 irtrinket . do sprach er an unser frwoen mettin den uers .
 17r,11 Ave maRia gratia plena . d . t . da mit sie der engil gruozte . do er
 17r,12 ir kundete die frone kristes geburte . do ir nie lieber geschach .
 17r,13 Do der arm man also ente ginam . dar komen zehante die
 17r,14 heiligen gotis engile . unt kom ovch der ubilen geiste uon
 17r,15 helle ein michel menige . unt striten umbe die sele . Die
 17r,16 ubilen geiste die sprachen er waere an urteil ir . want er
 17r,17 an ainem grozen unrehte funden waere . So die himelischen
 17r,18 engile mit rehte ubirredit werdent . unt uil truoreclichen
 17r,19 allizan dannin scheiden wellent . seht min uil lieben . wa
 17r,20 unsir frwoe sente MERie kumet mit einem kreftigen here
 17r,21 celestis exercitus des himelischen heres . unt heizet ir . ir kappelan
 17r,22 wider gantwurten . da wider waren . die uobilen gaeiste
 17r,23 unt sprachen . sie ne scolte des niht muoten . daz sie in ir scoln
 17r,24 nemen . der mit rehtir urteil ir waere . want er an dem
 17r,25 unrehte funden waere . Do hiez min frwoe sente MaeRie

17v,1 einen engel dar gen . unt hiez dem irtruonkinnen phaffin den
 17v,2 munt uof tuon . do fundin sie an siner zuongen . mit guldinen
 17v,3 buochstaben geschriben . Ave maria . gratia p . d . t . Do daz die ubilen
 17v,4 geiste irsahen . do entwichen sie gar . Da hiez div himelisc
 17v,5 kuniginne . die heiligen engile . ir kapilanes sele hin ze gnadin
 17v,6 fuoren . Nu min uil lieben bittet die himelischen kuneginne
 17v,7 wande sie ietwederz wol mag getuon . daz si gebiete ir suon .
 17v,8 unde bite ir herren . daz er uns irlose . uon aller slahte ubile .
 17v,9 daz uns werrinde sie . ze libe unt ze sele . unt daz er uns nach
 17v,10 disem zegenlichem libe . collocet in regione vivorum per omnia s .
 17v,11 In Septuagesima . Dies absoluti praetereunt . dies observabiles

- 17v,12 redeunt tempus adest sobrium quaeramus puro
 17v,13 corde Dominum . Min uil lieben iz sint die tage komen .
 17v,14 daz man alleluia gileget hat . daz man iz uor ostern niemer
 17v,15 singen scol . unt ist uerboden elichiv hyrat . uon disem tage
 17v,16 hiute unz an den sunnetac . der uoz genden ostirwochen .
 17v,17 Des suontages ist sie irlvobet . unt ist aber denne uerboden
 17v,18 unz an den suntac der uoz genden phingestwochen . Nu sprichet
 17v,19 uns diu heilige schrift mit disen worten zuo . Dies absoluti
 17v,20 praetereunt et cetera . Die uerlazenliche tage die sint ueruarn .
 17v,21 die gihaltenliche tage die sint uns komen . tempus
 17v,22 adest sobrium . uns ist komen ein niuhter unt ein kiuschez
 17v,23 cit . wir scuolen unsern herren suochen . mit reinem unt mit
 17v,24 luterm hercen . want als iwer sprichwort da kiut . ist daz
 17v,25 herce guot . so ist iz alliz guot . wie scol unser herce guot sin .
 17v,26 wir sculen min trehtin minnen . uon allem unserm hercen

 18r,1 unt uon allen unsern sinnen . wir scuoln umbe sine hulde
 18r,2 weruen . mit guoten werchen . mit almuosen . mit uastin . mit
 18r,3 wachin . mit dem heiligem gebete . unt sculn uns bereiten
 18r,4 in diem resurrectionis Domini . dannin sint hiute sibinzec tage .
 18r,5 zuo dem osterlichen tage . unsirs herren uorstende . daz wir
 18r,6 daz hie uerdienin . ut a morte animae resurgamus . daz wir uon
 18r,7 dem tode der sele irsten muezen . Quod ipse praestare . In sexagesima ev .
 18r,8 Cum turba plurima convenirent et de civitatibus
 18r,9 properarent ad iesum . dixit per similitudinem . Exiit qui
 18r,10 seminat seminare fructum suum . Min uil lieben uns
 18r,11 sagit daz heilige eugl-m daz wir hiute gilesen haben . wie ze
 18r,12 unserm herren ze einen stunden . uoz uil manigen steten kom
 18r,13 ein uil kreftige menige . do saget er in ein bispiel . unt sprach
 18r,14 alsus . “Exiit qui seminat . s . s .” Iz gieng ein man uz an daz uelt .
 18r,15 ze div daz er sinen samen sete . do er do bigunde ze saein . do
 18r,16 uiel er sumelicher zuo dem wege unt wart zetraeitit . unt
 18r,17 urazin in die uogele . Sumelicher uiel er uof einen herten stein .
 18r,18 do er do uof kom do dorrit er . want er uon der herte der
 18r,19 uiuhte nine hete . Sumelicher uiel er untir die dorne . do
 18r,20 die dorne uof komen do irtrancheten sie den guoten samen .
 18r,21 Et aliud cecidit in terram bonam et fecit fructum centuplum .
 18r,22 Sumelicher uiel der same an ein guote erde . unt brahte
 18r,23 den zehenzicualtigen wuocher . Inner div do unser herre
 18r,24 sogitan bispiel sagite . do rief er z allir der menige . div sich
 18r,25 da gisamnet hete . “Qui habet aures audiendi audiat .” Swer
 18r,26 oren habe ze hoeren . der scol hoeren dise bizenchenliche rede .

 18v,1 daz en sprach er an sache dikein wis niht . Sam er alsuos spraeohe .
 18v,2 Ich waeiz wol daz niemen hie en ist er ne habe die oren des
 18v,3 lichnamen . zuo dirre bizeichenlichen rede . scol allirmanniglich
 18v,4 uof tuon div oren des hercen . In der wile giengen sine
 18v,5 iungir die heiligen zwelfpoten zvo im . unt paten in des .

18v,6 daz er in giruochte ze sagine der tiefen rede bizeichen . Do huob
 18v,7 er uof unt saget in also . “Semen est verbum Dei . der same ist
 18v,8 daz gotiswart .” Den samen sendet der almaechtige got uoz in
 18v,9 die werlt ze saehen . swenne die heiligen erzebischofe . biscof
 18v,10 unt ander haethaften livte der kristenheite lerer daz gotiswort
 18v,11 sagent . ze glicher wise also der flizege bovman . sinen
 18v,12 samen an den ackir wirfet . Daz an den wec da uiel unt iz
 18v,13 die livte zetraten . unt dar nach die uogile frazen . daz bizeichent
 18v,14 die . die daz gotiswart horent . unt alse schiere so
 18v,15 sie uon kierchen koment . so uergezzent si s . mit ubilen gidanken .
 18v,16 mit ubilen werken . unt frezzent iz die uogile .
 18v,17 want iz die ubilen geiste . uz des undanchaften mennischen
 18v,18 herzen ziehent . also wirt der same des gotiswortis an in
 18v,19 uonwuocherhaft . Der same der uof den stein da uiel . bizeichent
 18v,20 div liute die hertis hercen sint . Et hi radices non
 18v,21 habent . quia ad tempus credunt et in tempore tentationis
 18v,22 recedunt . die selben staeinherte livte . die enphahent
 18v,23 den samen des gotiswortis mit frvoden . sie habent aber
 18v,24 der staetigen wurce niht . want sie eine wile gilovbent .
 18v,25 kuomt abir si dekein not . odir dichein bechorunge an
 18v,26 so entwichtent sie zehant uon dem heiligen gilovben . unt

19r,1 uon den guoten werchen . die sint auer den enten unwuochirhaft .
 19r,2 Der same der in die dorne uiel . der bezeichent div livte . die daz
 19r,3 gotiswart horent . unt uon dem richtuom . unt uon der werlt
 19r,4 luste so harte irstecket werdent . daz daz gotiswort nehein
 19r,5 wuocher bringen mac an den guoten werchen . Nu min uil liebe
 19r,6 ir scuolt iedoch an disen wortin mins trehtins . eine wunderliche
 19r,7 sache merken . Daz er dirre werlt richtuom unt wollust
 19r,8 disse zergenclichen lebins . gebinmazet hat den dornen . Maxime
 19r,9 cum illae pungant . istae delectentur . so lange so die dorne
 19r,10 stechent unde kracent . unt der werlt richtuom . unt disses libes
 19r,11 wolluste den mennischen frovde unt michel luost machent .
 19r,12 Dise tovgen rede mins trehtins . die scul wir iv zelosen . mit des
 19r,13 hilfe der sie giredet hat . Dirre werlt richtuom unt alle sin
 19r,14 ere . unt des armin libes wolluost . mac wol gebinmazet werdin .
 19r,15 den hagen und den dornen . wand also suze und also weich . so sie
 19r,16 hie sint . also herte und also haerwe . werdint sie in ener werlt
 19r,17 also iwer sprichwort da kivt . elliv werltwuonne . zirget mit
 19r,18 grimme . da uor bewar ivch der almaechtige got . Et aliud cecidit
 19r,19 in terram bonam et fecit fructum centuplum . Sumelichiz
 19r,20 korn uiel an eine gute erde . unt braht den zehenzichualtigen
 19r,21 wuocher . Div erde div den zehenzicfaltigen . wuocher bringet .
 19r,22 bizeichent der guoten unt der senften mennischen herce . die
 19r,23 daz gotiswart mit gutem willen horent . unt div guoten werch
 19r,24 dar nach tuont . die enphahent min uil lieben den zehenzicfaltigen
 19r,25 lon . unt daz ewige leben . als in got selbe geheizen hat .
 19r,26 “Amen dico vobis . quia omnis qui reliquerit domum aut patrem .

- 19v,1 aut matrem aut uxorem aut filios aut agros propter nomen
 19v,2 meum . centuplum accipiet et vitam aeternam possidebit . Ich wil
 19v,3 iv z ware sagen swelech man durch mine hulde . unt durch minen
 19v,4 namen . sin huos . odir sinen uatir . odir sine muoter . odir
 19v,5 sin wip . odir siniv kint . odir eigen odir lehen uerlat . er scol
 19v,6 enphahin . den zehenzicualtigen wuochir . unt daz ewige lon
 19v,7 in dem riche mins trehtins .” Quod ipse praesta . Dominica in
 quinquagesima .
 19v,8 Assumpsit IHS . xii . discipulos suos et ait illis . Ecce ascendimus
 19v,9 Hierosolymam . et consummabantur omnia quae scripta sunt per
 prophetas de
 19v,10 filio hominis . Min uil lieben uns saget daz heilige eugl-m wie
 19v,11 unser herre der almachtige got . z einen stunden sine iungir
 19v,12 die heiligen zwelfpoten zuo sich nam . unde kom hin ze ierusalem
 19v,13 unde sprach z in . Wir sin komen her ze ierusalem . in
 19v,14 dirre stete scol irgen alliz daz die heiligen wissagen lange
 19v,15 uon der meide sun gewissaget habent . Tradetur enim gentibus
 19v,16 et illudetur et flagellabitur et conspuetur . Der meide suon der wirt
 19v,17 gantwuorte den heiden . unt wirt uerspottit . unt wirt an
 19v,18 geslagen . unt wirt an gespirn . Et postquam flagellaverunt .
 19v,19 occident eum et die tertia resurget . Nach michilir martir
 19v,20 unt nach grozir anslahte . scuol si in nagilen an daz krivce .
 19v,21 dar an irstirbet er . unt irstet an dem dritten tage . uon dem
 19v,22 tode . Disiv wort min uil lieben . saget min trahtin sinen
 19v,23 iungiren . wand er wol wesse . daz si bitruobet scoltin werdin .
 19v,24 uon sinem tode . durch daz saget er in uerre uor . wie
 19v,25 iz irgen scolte umbe sinen tot . unt wie er ovch uon dem tode
 19v,26 irsten scolte . Factum est autem . dum appropinquarent iericho . caecus

 20r,1 quidam interea secus viam sedebat mendicans . Do min trehtin nahin
 20r,2 uon ierusalem komen was . z einer stat diu hiez iericho . do
 20r,3 saz ein blinde man . bi dem wege . unt bat die livte div wider
 20r,4 unt fur giengen . daz sie in bignaditin . der selbe blinte do er
 20r,5 irhorte die michelen menige . want div kreftige menige
 20r,6 z allin wilen mit unserm herren got gienc . durch maniger
 20r,7 slahte not beidiv libes unt der sele . Do fragte der blinte waz
 20r,8 daz waere . Nu wart im gisaget . da fur ih-c nazarenus uon nazaret
 20r,9 giborn . Iesus der heilige name . den der engile unserm
 20r,10 herren gab . e er giborn wuorde . der wart gantfristet uoz der
 20r,11 hebraeischen zungen in die latine zungen saluator . ein heilaer
 20r,12 odir ein haeilant . Er mac wol heilant heizen . want er ze heile
 20r,13 unt ze troste in dise werlt komen was allir der heiligen
 20r,14 kristenheit . Do der blinde den haeiligen namen irhorte want
 20r,15 er des namen bizeichen wol uerstunt . do rief er dar mit disen
 20r,16 worten . “Jesus fili David miserere mei . heiliger heilaere
 20r,17 giwisser heilant . dauidis gislaechtis . erbarme dich ubir mich .”
 20r,18 Nu uernemet min uil lieben . wie dirre man mit kurcen

- 20r,19 worten . den heiligen kristenlichen glovben gar biuangen
 20r,20 hat . daz er sprichet . daz er sich ubir in erbarme . da gilovbet
 20r,21 er daz er si der gotessun . unt der im wol gihelfen mege . mit
 20r,22 sinem gotlichem gwalte . daz er sprichet “dauidis suon .” da
 20r,23 mit geluobet er daz er sie der maeide suon . want min frwoe
 20r,24 sente MERie . uon des heiligen kuniges dauidis gislaehte giborn
 20r,25 was . Et qui praeibant et qui sequebantur increpabant eum
 20r,26 ut taceret ipse vero multomagis clamabat . Fili David miserere mei .
- 20v,1 Stans autem Iesus iussit illum vocari ad se . Et cum appropinquasset
 20v,2 interrogavit eum dicens . Quid tibi vis faciam? Qui respondit . Domine
 20v,3 ut videam . Et dixit illi Iesus . Respice . Fides tua te salvum fecit .
 20v,4 Nu min uil lieben also wir iv hivte begunden ze sagine . do
 20v,5 unsiris herren iungir dar an zwiuelten . daz der gotis sun
 20v,6 unt der meide sun . wand er mit sinem willen irstarb . daz
 20v,7 er an dem dritten tage uon dem tode iht irsten mohte . do
 20v,8 begienc min trehtin ein zeichen an dem ungisehenden manne .
 20v,9 den machet er mit sinem gotlichem gwalte gisehende .
 20v,10 Der ungisehende man . min uil lieben . bizeichent einen iegelichen
 20v,11 mennischen . der mit grozen sunten beuangen ist . die
 20v,12 machent daz . daz der arme mennische . hin ze den ewigen
 20v,13 gnaden diu ovgen sines hercen niht gihaben mac . unt daz
 20v,14 fron lieht des himelriches niht gihaben mac . Waz scol der
 20v,15 arm mennisch nu tuon . Er scol got z allen wilen manen . daz
 20v,16 er durch den mennischen den er uon unser frwoen sente
 20v,17 MERien enphienc . daz er sich ubir in erbarme . daz er sin
 20v,18 herce erliuchte uon dem liechte des heiligen geistes . Nu stet
 20v,19 da gescriben . Et qui praeibant . increpabant eum . ut taceret .
 20v,20 Do der arme ungisehende man unsern herren an rief . die
 20v,21 da uor im giengen . die rafsitin in unt hiezen in swigen .
 20v,22 Div menige min uil lieben diu den bittinden man durch unsern
 20v,23 herren an rief . unt irrint . daz er unsern herren iht an
 20v,24 ruofe . daz sint die ubilen gedanche . die uns an koment
 20v,25 inner des . so wir allerbeste beten scuoln . die sendet uns
 20v,26 der leidige uient zuo . daz si uns des irren . daz wir heil
- 21r,1 unt gnade . unt daz ewige lieht . uon unserm herren iht irwerben .
 21r,2 Nu scuol wir des tieuels lage widersten . unt sculn
 21r,3 den ubilen gidanken widersten . daz wir an dem gotisdienst
 21r,4 iht uerzagen . unt an dem heiligen gibete . so erbarmet sich
 21r,5 got ubir uns unt gibet uns unsir gesihinne wider . daz wir
 21r,6 gisehen megen oculis cordis . mit den ovgen des hercen . quam
 21r,7 dulcis et quam suavis est Dominus . wie sueze unt wie milte unser
 21r,8 herre ist . omnibus . qui invocant eum in veritate . allen den
 21r,9 die in mit rehtem hercen an ruofent . den gibet er daz ewige
 21r,10 heil . beidiv libes unt der saele . unt gibit in nach disem libe
 21r,11 den ewigen lip . Quod ipse praestare . Feria quarta in capite ieiunii .
 21r,12 Cum ieiunatis . nolite fieri sicut hypocritae tristes . Min uil

- 21r,13 lieben unser herre der almaechtige got . wand er
 21r,14 gnaedic unt guot ist . so ne wolt er des niht . wan er
 21r,15 daz mennischlich gislaechte ze dem lebene giterminit hete .
 21r,16 so ne wolt er des niht gistaten . daz iz iemer mer in dem tode
 21r,17 bestunde . Glicher wise also die erstin mennischen . adam
 21r,18 unt eua . uon dem tivel uerscundet wuorden . in dem frone
 21r,19 pardyse . mit dem uil ubilen mazze des uerboden obizis . also
 21r,20 hat uns got gilaeret daz wir dem tode der saele entwichen .
 21r,21 unt daz ewige leben des himelriches wider giwinnen megen
 21r,22 mit der heiligen dietuasten . der wir hivte beginnen
 21r,23 sculn frolichen . in nomine Domini in dem namen des almehtigen
 21r,24 gotes . Nir sprichet er uns hivte zuo . min uil lieben . mit disem
 21r,25 wortin . Cum ieiunatis . n . f . s . h . So ir uastit unt ivch got mit
 21r,26 iwer diemute gehuldigen wellet . so scult ir niht tuon also
- 21v,1 die glihinsere . die alle ir guotete begent . durch werltlichen richtum .
 21v,2 si ne tuont niht durch got . wan durch daz . daz man sie
 21v,3 deste baz habe . unt deste mer eren irbieten . Nu uernemet
 21v,4 min uil lieben waz lones si enphahen . “Amen dico vobis . receperunt
 21v,5 mercedem suam . Ich wil iv z ware sagen” sprichet min trehtin
 21v,6 “die selben glichensere . habent ir lon enphangen . sogitan lon
 21v,7 daz si uon den livten ere unt lop . durch ir guottaete enphahen
 21v,8 wolten .” daz lon daz habent sie in dirre werlte enphangen .
 21v,9 unt sint uerstozen des fronen lones . des ewigen riches . Tu
 21v,10 autem cum ieiunas unge caput tuum et faciem tuam lava .
 21v,11 Merket min uil lieben disiv wort mines trehtins . “Swenne ir
 21v,12 uastet . so scuolt ir iwer huobte salben . unt scult iwer antlutze
 21v,13 scone dwahen .” Disiv wort sint bezeichnenlich . die
 21v,14 scuol wir iv ovf tun . mit des hilfe der si gesprochen hat . wie
 21v,15 scuol wir unser huobet salben . mit den heiligen kierchgengen .
 21v,16 mit dem heiligen gibet . wir wellen iv biwaeren . daz
 21v,17 daz heilige unt daz reine gibet . ein gisaelbe ist der sele . “Vidi”
 21v,18 inquit Iohannes . “viginti quatuor seniores . stantes ante
 21v,19 faciem agni . habentes phialas aureas plenas odorum
 21v,20 quae sunt orationes sanctorum .” Sente ioHannes eugl-ista der mines
 trehtins
 21v,21 tvogen uolleclichen ersehen hete . der sprach er hete dar
 21v,22 en himele ersehen uier unt zweinzich altherren . die heten
 21v,23 in ir henden guldiniv uaz . uolliu ediler salben . daz was daz
 21v,24 heilige gibet daz diu kristenheit tag unt naht . ze mines
 21v,25 trehtins orin bringen . wir scuoln ovch unser antluzze diwahin .
- 22r,1 wa mit . mit dem heiligen almuosen . so geschieht uns also da
 22r,2 gescriben stet . Sicut aqua extinguit ignem ita eleemosyna extinguit
 22r,3 peccatum . also daz wazzir daz fiur erleschet . also irleschet
 22r,4 daz almusen die sunte . Mit disen guoten werken . min uil lieben
 22r,5 mit kirchgen . mit gebet . mit almuosen . uerdiene wir .
 22r,6 daz wir nach disem zirgenchlichem libe . bisizzen den ewigen

22r,7 lip . als er uns giheizen hat . “Et pater tuus qui videt in absconso
 22r,8 reddet tibi .” Sam er alsus spraeche . “der ewige fater
 22r,9 da ze himele . der die tuogen allir herce wol erkennet . der
 22r,10 lonet der guoten werke . die er waeiz daz si uil einualtichlichen
 22r,11 bigangen sint durch sine hulde . niht durch werltlichen
 22r,12 ruom .” Nolite thesaurizari vobis thesauros in terra ubi
 22r,13 erugo et tinea demolitur . et ubi fures effodiunt et furantur .
 22r,14 Min trehtin min uil lieben der manet uns sam ein uater
 22r,15 sine liebun kint . Er sprichet “ir scult niht schazzen uof dirre
 22r,16 erde . da daz rot unde die milwen iwern schaz uerbosent
 22r,17 da ovch die diebe in grabent unt stelent .” Unser schaz daz
 22r,18 sint unser guotiv werch . begen wir diu durch werltlichen
 22r,19 richtuom . so frezzint unsirn schaz beidiv rot unt milwen .
 22r,20 wand wir da mit uerliesen beidiv lip unt saele . Die ubilen
 22r,21 diebe . daz sint die ubilen geiste . die grabent in die kamer
 22r,22 unsers hercen . unt uerstelent unsern schaz . unt unser
 22r,23 guottaete . wan der tieuel mille artifex . Nomina cui
 22r,24 mille sunt artes mille nocendi . Der laeidige uient hat
 22r,25 tusent namen . unt tusent liste . wie er uns gischaden

 22v,1 mege . unt wie er uns uerirren mege uon unsern guottaeten . waz
 22v,2 scuole wir nu tuon . Thesaurizate vobis thesauros in celo ubi nec erugo
 22v,3 nec tinea demolitur et ubi fures non effodiunt nec furantur .
 22v,4 Ir scuolt iwern schaz legen in die himelischen kamere . Ir scult
 22v,5 tuon sam sente laurentius taet . der was eines uil richen babistes
 22v,6 kapelan . sente sixten . der wart gemartert durch got . unt
 22v,7 lie sine- lieben kapelane . den kreftigen kyerchschatz . do samnete
 22v,8 der gotis schazzaere alle die er giwinnen mohte . wittwen .
 22v,9 unt weisen . blinten unt halzen . unt siechen . unt
 22v,10 alle den is durf was . unt taeilt in den schaz so gar mit . daz
 22v,11 im es aein phaenninc niht ubir wart . Do der keiser decius
 22v,12 ime den schaz hiez geben . unt er in uof eine- isinenne roste hiez
 22v,13 braten . do sprach der heilige man froliche uof dem roste .
 22v,14 Assatus sum . iam versa et manduca . nam facultates ecclesiae quas requiris
 22v,15 in caelestes thesauros manus pauperum deportaverunt . Er sprach
 22v,16 “ich bin wol gibraten . kere mich umbe unt iz mich . want
 22v,17 ich wol gigaerwit bin . Der kyerchschatz den du ze mir uordirst .
 22v,18 den habent der durftigen hente gifuret . in die himelischen
 22v,19 schatzkamere .” also schuln wir tuon . so uinden
 22v,20 wir unsern schaz . uil gewisliche . wande wir niheine
 22v,21 guotaete so chleine hie begen . si ne werde uns in dem himelriche .
 22v,22 mit zehenzicfaltigen lone wider gigaebin . Gedenket
 22v,23 min uil lieben . waz iv der ewart hiute zuo sprichet .
 22v,24 swenn er iv nach kristenlichem site den aschen uof
 22v,25 daz hvobet gibet . Er sprichet also . “Memento homo quod cinis es
 22v,26 et in cinerem reverteris . Gehuge wol mennische daz du

 23r,1 ein asche bist . unt ze aschen scholt werden .” Iz en ist nehein

23r,2 mennische . iz ne wizze wol daz min traecht in . den ersten man
 23r,3 den herren adam . uon der erde gischaffen haete . unt haet in
 23r,4 iedoch also gischaffen . daz er niemer ersterben mohte . ob er
 23r,5 mines threhtins gibot . niht ubirgangen haete . Do er do unghorsam
 23r,6 wart uon des tivfels nide . do uerstiez in min trehtin
 23r,7 micheler eren . unt hiez in die erde bovwen mit disen Worten .
 23r,8 In sudore vultus tui vesceris pane tuo . donec revertaris
 23r,9 ad terram de qua assumptus es . et in pulverem reverteris . Mit dem
 23r,10 sweize dines antluzes . must u din brot ezzen . unze du wider
 23r,11 kumest zuo der erde . da du uon ginomen bist . wan du ein stuppe
 23r,12 bist . unt ze stuppe wider werden must . Nu min uil
 23r,13 lieben . nu bitet minen trehtin . ut spiritum sanctum innovet in visceribus
 23r,14 nostris . wand wir uon der giwonheit in den sunten eraltint
 23r,15 sin . daz er unser herce mit dem heiligen geiste irlivhte .
 23r,16 daz wir dise heiligen uasten . die wir hiute beginnen . mit
 23r,17 allen guoten werchen so uolbringen . daz wir lon
 23r,18 uon minem trehtin enphahen unt uns wuocherhaft si
 23r,19 ze libe unt ze sele . Quod ipse praestare . Dominica in quadragesima .
 23r,20 Ductus est Jesus in desertum a spiritu ut tentaretur a diabolo .
 23r,21 Min uil lieben . want div heilige schrift ist gimazit
 23r,22 nach iegelichem cite . daz div heilige christenheit bigen
 23r,23 scol . durch daz ist uns daz heilige euglium gesetzt ze leben .
 23r,24 daz wir hiute gihorit haben . an dem anegenge der heiligen
 23r,25 dietuastin . daz saget uns wie unser herre gefuret wuorde . uon
 23r,26 sin selbis geiste in eine wuoste . daz in der uiant uersuchte .

23v,1 als er selbe uerhancte . Et cum ieiunasset quadraginta diebus et xl noctibus
 .
 23v,2 postea esuriit . Disiv heilige uaste diu ist uns an komen . uon
 23v,3 grozer orthabunge . Die uastite der herre moyses . ein uil heiliger
 23v,4 man . daz er gar an ezzen was . unt uerdiente da mit . daz er
 23v,5 got so uorderliche liep wart . daz er mit im liebkoete . glichir
 23v,6 wise . sam ein friunt mit sinem friunde liebkoete . unt daz er
 23v,7 im gap die alten e . die er mit sin selbes hant gescriben hete .
 23v,8 Die selbin uastin uastite ovch der herre helyas . ein uil heiliger
 23v,9 wissage . unt uerdiente da mit . daz in got . also lebintin mit
 23v,10 libe unt mit saele . uof die luofte fuorte . unt hat in noch also
 23v,11 gihalten in sinen gnadin . mit sinem gisellen dem herren . enoch
 23v,12 unz an daz gemaeine urteile . so scuoln si aber daz gotiswart
 23v,13 al dir heiligen kristenheit uor sagen . Die zwene herren die
 23v,14 wir nun ginennit haben . daz sint zwaene orthaben dirre
 23v,15 heiligen dietuastin . die waren uerre uor unsers herren gibuerte .
 23v,16 Do unser herre ubir funf tuosent iar in dise werlt
 23v,17 kom . warre got . unt warre mennische . do iteniwet
 23v,18 er dise heiligen vastin . nach siner tovfe . unt heiliget
 23v,19 sie mit sin selbes vastin . uolleclichen uierzich tage . unt
 23v,20 uierzich naht . daz er nihtes enbaeiz . Et accendens tentator
 23v,21 dixit ei . Si filius es dei dic ut lapides isti panes fiant . der leidig

23v,22 uiant min uil lieben . want im an dem ersten manne . dem
 23v,23 herren adam wol gelungen was . daz der uon sinen raten
 23v,24 daz uerbotten obiz az . dannin er uoz dem wuonneclichem
 23v,25 paradyse uerstozen wart . unt beide im unt allim mankunne
 23v,26 der tot braht wart . do was er des giwis daz er

 24r,1 den niwen adamen unsern herren ih-m xp-m den gotis suon unt
 24r,2 der maeide suon alsam betriegen mohte . Quia diuinitas palliata fuit
 24r,3 humanitate . want diu gotheit bedeket was mit der mennischaeit .
 24r,4 do wolte der tivel des waenen . daz min trehtin ein luter mennische
 24r,5 waere . sam ein andir mennische . unt daz er sich nehaeiner
 24r,6 mennischer brode . wider gehaben mochte . unt sprach alsus
 24r,7 z im . “Sist u iz dir gotessun . so heize dise staeine ze brote werden .”
 24r,8 Daz waere min uil lieben minem trehtin ringe ze tuon . daz er
 24r,9 uz den steinen brot machite . der uon wenigem samen . der
 24r,10 div kreftigen gevilde fullet mit korne . want er abir des
 24r,11 tivfels honkuoste wol wesse . so ne wolt er s ze der wile niht
 24r,12 gituon . unt antwurte dem tivfel alsus . “Non in solo pane vivit
 24r,13 homo sed in omni verbo Dei . der mennische . der ne mac ze
 24r,14 eniger noete uon dem brot leben . er muoz leben uon dem
 24r,15 gotisworte .” Do furte der uiant minen trehtin uof eine michel
 24r,16 hoehe . unt sprach alsus z im . “Si filius Dei es mitte te deorsum .
 24r,17 Sist uo z dir gotessun . so la dich hinterwerts ab dirre micheln
 24r,18 hoehe want uon dir gescriben ist . Angelis suis mandavit de
 24r,19 te etc . ne forte offendas ad lapidem pedem
 24r,20 tuum . Iz hat got den du gihest der din fatir si sinen himelischen
 24r,21 engiln geboten . daz si dich fuoren untir ir henden . daz
 24r,22 noch sa din fuoz sich an dihaeine staeine gistozen mege .” Daz waere
 24r,23 ovch minim traehtin ringe ze tuon . Daz ne wolt er niht tuon . durh
 24r,24 des tivfels honkust . er ne wolt noch sa niht zornlichen antwurten .
 24r,25 wan alliz nach der heiligen schrifte . Non temptabis
 24r,26 Dominum Deum tuum . Diu schrift sprichet du ne scolt dinen

 24v,1 herren den almaechtigen got niht uersuchen . Do nam in der
 24v,2 uiant . uof einen hohen berc . unt zeigt im elliu diu riche der
 24v,3 werlde . unt alle ir ere . unt ir gezierde und sprach alsus . zuo
 24v,4 sinem schephaere . “Elliu dirre werlt riche . unt ir ere . unt ir
 24v,5 gezierde div gib ich dir . ob du mich ane betist .” Nu uernemet
 24v,6 michel hohfart . unt micheln ungesin . daz er minem trehtin
 24v,7 elliv werlt riche gehiez . dem himel unt erde unt alliz daz
 24v,8 dar inne ist . uolleclichen unt eigenlichen undirtan ist . want
 24v,9 er z alliz samt geschaffen hat . unt daz er des mutet . daz in der
 24v,10 an betet . den die nivn chore der himelischen engile . unt manic
 24v,11 hundert tuosent heiligen . unt alle die dir sint uof der
 24v,12 erde . unt undir der erde . danches unt undanches an betin
 24v,13 muozen . Nach disem grozem unpilde daz der tivfel begangen
 24v,14 hete . antwurte im min traehtin . “Vade sathanas . Scriptum est .
 24v,15 Dominum Deum tuum adorabis et illi soli servies . Genc furdir tivfel

- 24v,16 iz ist geschriben . Du scolt got dinen herren einen an betin .
 24v,17 unt scolt im dienen .” Tunc reliquit eum Diabolus et ecce angeli
 24v,18 accesserunt et ministrabant ei . Do uerlie der uient minen
 24v,19 traectin . unt komen dar die himelischen engile . unt dienten
 24v,20 im . want si wol wessen . swie er in mennischen bilde waere .
 24v,21 daz er iedoch . ir unt al dir werlde got unt herre waere .
 24v,22 Nu min uil lieben . als wir iv hivte bigunden ze sagene . wan
 24v,23 min trehtin dem tivfel des gistatet . daz er in bechorte . swie
 24v,24 niender ein meil so kleine si . daz er da z im uinden mohte .
 24v,25 Nu bitet in siner gnadin . daz er dar an gidenche . daz wir
 24v,26 sin lutir mennische . daz ovch daz unmugelich ist . want

 25r,1 wir uon sunten geborn sin . daz wir an sunte gesin megin .
 25r,2 daz er iedoch dem tivfel des niht gestate . daz er uns nach siner
 25r,3 bechorunge in die hvopthafte sunte iht uelle . daz wir
 25r,4 dise uastin also uolbringen . als iz minem traectin zeme
 25r,5 unt uns selbin wuocherhafte si . ze libe unt ze saele . Quod ipse .
 25r,6 Dominica in quadragesima secunda Egressus Jesus secessit in partes Tyri
 25r,7 et Sydonis . Et ecce mulier chananea a finibus illis egressa
 25r,8 clamabat dicens ei . Miserere mei fili David . filia mea
 25r,9 male a daemonio vexatur . Min uil lieben . uns saget daz heilige
 25r,10 eugl-ium ein uil trostsam maere . daz nihein mennisch so
 25r,11 suntec ist . wil iz sich uon sinen sunten wol becheren . unt
 25r,12 an sinem gibet niht uerzagen . der almachtige got . qui est
 25r,13 pater misericordiae . der ein uater ist der barmeherzecheit . er tuo
 25r,14 im gnade . unt wie min traectin gie ze einen stunden .
 25r,15 uozer ivdin lande . gegin den heiden . mershalbin bi zwein
 25r,16 staein tyri et sydonis . uoz dem lande gienc ein wib ein heideninne .
 25r,17 unt rief unsern herren an mit disen worten .
 25r,18 “Miserere mei et c . Erbarme dich ubir mich herre christ uon
 25r,19 dauidis gislaechte giborn . min armiv tohter div ist harte
 25r,20 gemuet mit dem ubilen geiste .” Disiv arme frwoe . swie
 25r,21 sie ein haedininne waere . dannoch hete sie micheln gelovben .
 25r,22 zuo minem traectine . Swie sie in saehe in mennischlichem
 25r,23 bilde . daennoch gelovbte si . daz er uon gotelichem
 25r,24 giwalte . ir unt ir kinde wol gihaelfin mohte . Qui non respondit .
 25r,25 ei verbum . Do daz arme wip unsern herren . mit
 25r,26 so uestim gelvoben an rief . do antwuorte er ir ein wort

 25v,1 niht . des ne schol niemen giedenken . daz min traectin nach
 25v,2 dem site der hohuertigen iudin . dem armen wibe niht
 25v,3 antwuorten wolte . er tet iz durch daz . wand er uon den
 25v,4 iudin geborn was . ob er mit den heiden gimaeinte . daz
 25v,5 sie nehein ansprache dar haetin . unt tet iz ovch durch
 25v,6 ein ander sachae . daz er uns bi der frwoen staete . bilde
 25v,7 gaebe . daz wir an unserm gibete niemer uerzagen . sculn .
 25v,8 unz uns min traectin irhoere . Et accesserunt discipuli ad Jesum
 25v,9 dicentes . “Domine dimitte eam quia clamat post nos .” Do min

- 25v,10 trehtin umbe die zwo giwisse sache . die wir iv gesaget
 25v,11 haben . div geliche nine tet . sam er dem armen wibe diheine
 25v,12 ginade tuon wolte . do sprachin die heiligen zwelfpoten .
 25v,13 z ir liebem herren . “Herre meister bignade daz arme
 25v,14 wip . want si talanc nach uns rufet .” Do antwuort in
 25v,15 min traehtin . mit disen worten . “Non sum missus nisi ad oves
 25v,16 quae perierunt domus Israel . Ich bin niht gisendet . wan zu den
 25v,17 schephelin . die uon iudinlande uerdorben sint .” Der dise .
 25v,18 rede min uil lieben andirs niht uerstet . wan als div wort
 25v,19 sint . der mac si so uersten . daz min traehtin durch die
 25v,20 iuden . in dise werlt komen sie . niht durch die heiden .
 25v,21 daz waere ovch uns kristen . ein uil untröstlich maere . want
 25v,22 wir uon der heidenschefte komen sin zuo dem kristentuom .
 25v,23 Min traehtin min uil lieben hat dise rede also gimeinet .
 25v,24 daz er uon im selbin zuo niheinem livte so groze liebe
 25v,25 noch so groze heimliche hete . so zuo den iuden . swie iz
 25v,26 niene hulfe . so was er iedoch z allen wilen der zeichende .
- 26r,1 unt der prediginde undir in . Kom aber er uon im selben
 26r,2 hin zuo den heiden niht . min uil lieben . dannoch sant er uns
 26r,3 sine uil gewisse boten . die heiligen zwelfboten . unt uil
 26r,4 manigen guoten laerere . als er uns selbe . do er hie in erde was
 26r,5 giheizt hete . mit disen suezen worten . “Alias oves habeo quae
 26r,6 non sunt ex hoc ovili . Ich han” sprach er “noch anderiv schaephil
 26r,7 die der iuden gislaehtis nine sint .” da mit meint er uns . die
 26r,8 uon der heidenschefte . di zuo christenlichem glovben komen
 26r,9 sin . At illa venit et adoravit eum dicens . Domine adiuva me . Do
 26r,10 min trehtin dem arme- wibe niht antwuorten wolte . dar
 26r,11 umbe uerzagte sie niht . unt livf uil freislichen . unt uiel
 26r,12 unserm herren an sine fuoze . unt bat ir helfen . Do antwurte
 26r,13 ir min trehtin mit disen worten . “Non est bonum sumere panem
 26r,14 filiorum et mittere canibus ad manducandum . Iz ne fuget
 26r,15 sich niht wol . daz man der lieben kinde brot inzuoecke . unt
 26r,16 den hunden werfe .” Disiv wort min uil lieben . sint muelich
 26r,17 ze uersten . iedoch swie daz wip ein heidininne waere . unt
 26r,18 uon got nie niht horte gisagen . sie uerstunt sich dirre
 26r,19 rede zehant . an den kinden meinte min trehtin die iuden .
 26r,20 want si an einen got ie unt ie geluobiten . an den huonten
 26r,21 meint er die heiden . die daz abgot an bettin . want sie uon
 26r,22 got nine wessin . Do antwurte div heidininne minem
 26r,23 trehtin alsus . “Etiam domine . nam et catelli edunt de micis quae
 26r,24 cadunt de mensa dominorum suorum . Herre also du da sprichest . des gih
 26r,25 ich dir mite . daz ich uon minen sunten . an der heidenschefte
 26r,26 der iudin gnoz bin . swie iz abir dar umbe gitan si .
- 26v,1 dannoch so han ich ofte gisaehen . daz div waelfer gaz habint
 26v,2 die brosem . die uon der herren tische giuallen sint .” Sam sie
 26v,3 mit den worten spraeche . Swie die iuden gotiskint sin geheizt .

26v,4 want sie uon citen . unt citen daz gotiswort horint . dannoch
 26v,5 mugen die heiden . die den huonten gebenmazet sint . daz si
 26v,6 des gotiswortes . unt des himelischen brotes . ettelichin teil
 26v,7 geuahan . des die iuden gar ze uil habent . So suezes liebkosens
 26v,8 frwoet sich min trehtin . min uil lieben . want er daz wol
 26v,9 wesse . daz daz suntige wib . sich gar z im keren wolte . unt
 26v,10 antwuorte ir alsus . “O mulier magna est fides tua fiat tibi sicut
 26v,11 petisti . Liebez wip want du dich so uerre ze minen gnadin
 26v,12 uerlazen hast . unt din gelovbe so durnaechtige ist . so gischehe
 26v,13 dir also du gibetin hast .” Et sanata est filia eius ex illa hora .
 26v,14 Nach unsers herren rede . wart der frwoen tochter erloset . uon
 26v,15 dem gibende des bosen geistes . unt komen beidiv muoter
 26v,16 unt tochter mit der heiligen christenheit uolleclichen
 26v,17 ze mins trehtins hulden . Daz uns alsam gischehen muoeze .
 26v,18 unt daz wir in dirre heiligen dietuastin . so gileben muozen .
 26v,19 daz wir daz himelische lon wirdic sin z enphahen .
 26v,20 des uerlihe uns der gotis sun unt der meide sun . Qui u .
 26v,21 Dominica tertia in quadragesima Erat Jesus eiiciens daemonium et
 26v,22 illud erat mutum . Min uil lieben uns saget daz
 26v,23 heilige eugl-ium . daz min trahtin einen armen
 26v,24 mennischen . erloste uon dem ubilen geiste . der was ungisehende .
 26v,25 unt unsprechende . unt unghorende . Do er
 26v,26 do erloset wart . do wart er beidiu gisachende . unt sprechende

27r,1 unt gehorende . Dirre arm mennische min uil lieben
 27r,2 bizaichenit daz heidinische livte . daz was ungisehende .
 27r,3 want iz lumen veritatis daz fron lieht der warhaeit . unsern
 27r,4 herren ih-m xp-m niht irkante . Iz was ovch stumme . wan
 27r,5 iz sinen munt nie uof gitan hete . zuo dem gilovben . unt zuo
 27r,6 dem lobe sines schephaeres . Iz was ovch unghorende . wan
 27r,7 iz uon mins trahtins gnaden nie niht gihort hete . Iz was
 27r,8 ovch mit dem ubilen gaeiste bikumbert wan iz die abgote
 27r,9 an bette . dar zuo sie der tiefil nemelichen . zuo furte . Daz min
 27r,10 trahtin do begie an dem haftin mennischen . daz biget er
 27r,11 taegelichen in der haeligen christenheit . Ein iegeliche mennische
 27r,12 min uil lieben . e iz den kristenlichen gilovben . unt
 27r,13 die heiligen tovfe enphahen . so ist iz mit dem bosen geiste
 27r,14 bisezzen . unt ist blinte unt unsprechende . unt ungihoerende .
 27r,15 want iz got sinen schephaere niht erkennit . mit
 27r,16 dem sinne . noch niene uergiht mit dem munde . Der
 27r,17 mennische wirt uon dem bosen geiste erloset . swenne
 27r,18 der briester oder swer da tovfet . unt den tivfel uerblaset
 27r,19 unt biswert . in dem namen des uater unt des suons unt
 27r,20 des heiligen geistes . daz er entwiche uon dem mennische-
 27r,21 et det locum deo vivo et vero . daz er stat gebe dem
 27r,22 waren unt dem lebintigen gote . Der mennische wirt
 27r,23 ovch sprechende . so in der briester fragit ob er gilovbe an
 27r,24 den uater . unt an den suon . unt an den heiligen geiste .

- 27r,25 daz die dri namen ein war got ist . unt ob er alliz daz
 27r,26 gilvobe . daz ein kristenmennische uon rehte gilvoben
- 27v,1 sol unt daz er antwuorte “ich gelovbe .” So er denne mit den
 27v,2 drin instozen getvoft wirt . in dem namen des uater z einem
 27v,3 male . in dem namen des suns z im andern male . in dem namen
 27v,4 des heiligen geistes ze dem dritten male . so ist der
 27v,5 mennisch gar ledic uon dem tieuel . want er im widersagit
 27v,6 hat . uon allen sinen werchin . uon allen sinen zierden .
 27v,7 Min uil lieben nu bitet minen trehtin . want er sprichet
 27v,8 “sine me nihil potestis facere . ir ne muoget an mich niht
 27v,9 getuon .” bittit in daz er iv sende sinen haeiligen geist . ut
 27v,10 gratia Dei nos et praeviat et subsequatur . daz uns des heiligen
 27v,11 geistes gnade kome . beidiu for unt nach . ac bonis
 27v,12 operibus iugiter praestet esse intentos . daz wir den guoten werden
 27v,13 z allen wilen . mit grozer andahte an ligen . muozen .
 27v,14 unt die selben werch mit gutim ende . an unser iungisten
 27v,15 citen uolbringen muozen . Praestante Deo . In media quadragesimae
 Dominica .
- 27v,16 Abiit Iesus trans mare Galileae quod est Tyberiadis .
 27v,17 Min uil lieben uns saget daz heilige eugl-ium . daz wir
 27v,18 hivte gilesen haben . wie unser herre z einen stunden kom
 27v,19 zuo dem mere an galilee lande . unt uolget im ein kreftigiv
 27v,20 menige . wan si die grozen zeichen sahen . die er begie
 27v,21 mit sinem giwalte . ubir die siechen livte . die beidiv siech
 27v,22 waren an dem libe unt an der saele . Dominus est verus medicus
 27v,23 utrumque sanat animam videlicet et corpus . Unser herre
 27v,24 der almaechtige got . der ist ein warer arzit . wan er
 27v,25 ietwedir wol gihaeilen mac . die saele uon den sunden
 27v,26 dem libe uon dem siechtuome . Erat autem proximum pascha .
- 28r,1 dies festus Iudaeorum . In den selben citen waren die ostirn nahen .
 28r,2 ein grozer dultac der iuden . Wannin der iuden ostir
 28r,3 sich allirerist huobe . daz waere iv gar ze lanc ze sagene
 28r,4 iedoch welle wir iu dir uon kurzlichen sagen . Iz was in egiptelande
 28r,5 ein herer kunic der hiez pharao . der hete alliz
 28r,6 iudische gislaechte in siner uancnusse uil nach uier hundert
 28r,7 iare . Do enbot min traehtin dem haeidenischen kunige
 28r,8 bi sinem haeimlichen boten . dem herren moyse . daz er sine
 28r,9 livte frilichen uarin lieze . des wolte der kunic niht
 28r,10 tuon . unz an die wile daz min trehtin cehen kreftigiu
 28r,11 zeichen begienc . Daz cehinde zeichen was daz daz nihaein
 28r,12 man in allem dem lande was . er ne funde ie sin erstiz
 28r,13 kint tot . uon des kuniges erstim suone . der an des kuniges
 28r,14 stuol saz . unze an daz erste kint der diwoe . div in der
 28r,15 muole bisperret was . ze div daz sie muole . Sarie des selben
 28r,16 nahtes triben die heiden daz iudische livte uoz . Des tages
 28r,17 do die iudin uozer egiptelande fuoren . do waren sie

- 28r,18 giahte daz ir waere sehs hundert tuosent an wib unt an
 28r,19 kint . Den tac hiez unser herre der almaechtige got .
 28r,20 iemmer bigen mit grozem flize . alle iar die selben hochcite
 28r,21 hiezen si pasca . daz wirt gantfriste transitus . ein uart
 28r,22 daz allez iudisch gislaechte erloset wart . unt fuor uon egiptilande .
 28r,23 Die selben hochcite min uil lieben . hat uns
 28r,24 min trehtin geboten ze bigen . uon hivte ubir dri wochen
 28r,25 in der gihugde siner uil haeiligen uorstende . daz er erstunt
 28r,26 an dem dritten tage uon dem tode . als ir an iworm gelvoben
- 28v,1 sprechet . “warer got unt warer mennische .” unt bezeichent
 28v,2 ovch transitum illum . sogitan uart . daz ein iegelicher saeliger
 28v,3 mennisch uarn scol uon dem laster zuo den gnaden . uon dem
 28v,4 tode der saele hin zuo dem ewigen libe . Nu gireitet ivch min uil
 28v,5 lieben gegin der uil grozen hochcit unsir herren ih-u xp-i . mit
 28v,6 uastin mit kiuscheit . mit kierchgengen mit uillate . mit
 28v,7 almuosen . mit gibete . mit luotirre bihte . mit allir der guttaete .
 28v,8 unt ir ivch geflizen megent . daz ir froliche . unt luterliche
 28v,9 enphahen muozet die himelischen spise . des fronin unt
 28v,10 des haeiligen gotis lichenamen . want er unser heil unt unser
 28v,11 hilfe . unt unser trost einliche scol sin . ze disem libe . unt
 28v,12 ze dem ewigen libe . Quod ipse praestare d . Dominica in passione domini
 28v,13 Dixit Iesus turbis Iudaeorum . “Quis ex vobis arguet me de peccato .”
 28v,14 Min uil lieben dizze heilige ambe . daz wir hivte an
 28v,15 uahen . unt alle dise uierzehen naht bigen . mit lesen
 28v,16 unt mit singen . daz ist alliz uon unsers herren marter . da
 28v,17 mit er uns uil tivre garnet hat . unt erloset hat . uon dem
 28v,18 gimaeinen uiende . dem tivfele . unt uns enphuoret hat mit
 28v,19 sinem heiligen tode . den wir garnit hetin beidev
 28v,20 libes unt der saele . Do daz cit komen was . daz sich unsers
 28v,21 herren marter nahen begunde . wand iz e niht sin scolte .
 28v,22 unz er selbe wolte . want er selbe sprach . “Potestatem habeo
 28v,23 ponendi animam meam et iterum sumendi eam . Ich han” sprach
 28v,24 er “des guoten giwalt . daz ich min saele . uon mir laze schaeiden
 28v,25 an dem tode . unt han ovch des guoten giwalt . daz ich
 28v,26 sie wider enphahe an der uorstende .” Do daz cit siner marter [...] [...]
- 29r,1 [...] [...] bosen geistes niht . Nu min uil lieben iwer iegelich sehe sin herce
 29r,2 unt sin gewizenheit an . unt lege fur sin ovgen . wie er
 29r,3 gilebet habe in dirre heiligen uastin . swa sich iwer dihaeiner
 29r,4 uersumet habe . in disen uier wochen . unt andirs gilebet
 29r,5 hat denne im gesetzt si . der irhole sich des in disen uil heiligen
 29r,6 uierzehen nahten . die ellich dar zuo gisezzet sint . daz
 29r,7 wir unsirs herren marter . die heiligen . unt die fronin .
 29r,8 mit allem flize bigen . unt daz wir ze bikantnuosse komen
 29r,9 aller unser sunten . mit der heiligen bihte . unt dar umbe
 29r,10 buoze enphahen . nach unsers ewartes rate . unt die busoze gelaeisten .
 29r,11 nach gnadin unt nach rehte . Bittet des den almaechtigen

29r,12 got . wand er uns erloset hat . suo pretioso sanguine .
 29r,13 mit sinem uil tivrem bluote . daz er uns biwar ab insidiis
 29r,14 inimici . uor der lage . unt uor den untriwen . des laeidigen
 29r,15 uientes . daz er uns bihuote uor huophtaften sunten . unt
 29r,16 uor werltlichen schanten . daz wir also gilaebin in disem
 29r,17 zirgenlichem libe . daz wir giwinnen muozen den ewigen lip . Quod ipse .
 29r,18 Dominica in Palmis S . Johannem . Ante sex dies Paschae
 29r,19 venit Iesus Hierosolymam et hebraeorum pueri venerunt ei obviam
 29r,20 cum ramis palmarum osianna clamantes in excelsis . Min
 29r,21 uil liebe uns saget daz heilige eugl-ium . wie min trehtin
 29r,22 uor sehs tagen also hivte ist ze ierl-m kome . ubi praeviderat
 29r,23 locum passionis suae . da er uor gisaehen hete . die stat siner
 29r,24 uil heiligen marter . da komen gegin im div heiligen kint .
 29r,25 unt enphiengen in mit palmen . mit lobe mit sange .
 29r,26 min uil lieben . want daz ambehte hivte lang ist . als iz

29v,1 disem uil heiligen tage wol zimt . so ne muoge wir iv hivte so
 29v,2 niht gisagen . so wir uon rehte scolten . unt ovch disem heiligen
 29v,3 tage wol zaeme . Iedoch ne muge wir noch ne geturre wir uon
 29v,4 unserm ambachte daz niht uerlazen . wir ne sagen iv ettelicher
 29v,5 maze . uon disem troestlichen tage . want er gar beidiu an dem
 29v,6 lesen unt an dem singin . uns heizet gehuogen . der heiligen unt
 29v,7 der fronen gotis marter . der mit sinem einualtigem tode . uns
 29v,8 irloset hat de dupla nostra morte . uon unserm zwiualtigem
 29v,9 tode . alse wol des libes . sam der saele . Unser herre dir almaechtige
 29v,10 got . hat hivte dem starken viende an gesiget . Die palmen
 29v,11 die wir hivte . nach kristenlichem site . uil frolichen tragen .
 29v,12 die bezeichent den frolichen sig . den min traehtin an der heiligen
 29v,13 xpenheit uiende gewuonnen hat . mit sinem tode . unt
 29v,14 mit siner urstende . Agnus paschatis . daz osterlich lamb . daz
 29v,15 die iuden hie beuor uon dem schalclichen dieniste . des ubilen
 29v,16 haeidinischen kuniges irloste . daz wart also uon got
 29v,17 geboten . daz man iz ophern scolte . for uivnf tagen . uor
 29v,18 ostirn . unt bezeichent daz frone gotis lamb . daz durch die
 29v,19 heiligen Christenhait . in ara crucis hostiam seipsum obtulit .
 29v,20 deo patri . der sich selben gab ze ophirn uof dem altare
 29v,21 des heiligen criuces got sinem ewigen uater . Hierosolyma
 29v,22 interpretatur visio pacis . Hierusalem wirt gantfristet ein
 29v,23 gesune des frides . zuo der heiligen stat . min uil lieben kom
 29v,24 min traehtin also hivte ist . uof einem esil geritin . quia ipse
 29v,25 est rex totius humilitatis . wand er ist ein kunec allir
 29v,26 devmute . also der esil ein deumutigez tier ist . Non ascendit

30r,1 equum fervidium superbiae . qui laetatur in tumultu belli . Min uil lieben
 30r,2 min traehtin der ne wolte niht rihten ein hochuertigez
 30r,3 ros . daz sich des frowet so iz kumet in einen schal des uolcwiges .
 30r,4 odir eines sturmes . want min traehtin ist princeps pacis .
 30r,5 ein furste des frides . dannen reit er fridelichen . unt deumuteclichen .

30r,6 zuo der stat div da heizet visio pacis . ein gisune
 30r,7 des frides . da er die marter erliten hat . div uns scol bringen
 30r,8 ad visionem caelestis pacis . zuo dem gesune des himelischen frides .
 30r,9 dannin der herre dauid gesprochen hat . orietur in diebus
 30r,10 Domini iustitia et abundantia pacis . In den mins trehtins tagen
 30r,11 scol uof sten alliz rehte . unt scol alliz unrehte gestillet
 30r,12 werden . unt wirt ovch diu gnuohsam des ewigen frides .
 30r,13 wenne werdent die mins trehtins tage . Iz sint alle tage mins
 30r,14 trehtins tage . want er alle die tage . unt alle die cit gischaffen
 30r,15 hat . die ie wuorden odir noch werden sculn . iedoch heizent
 30r,16 die tage sumeliche mins trehtins tage . swenn er in sin riche
 30r,17 gesamnet omnes electos . alle die er erwelet hat . so sine holden
 30r,18 alle die not ubirkomen habent . die sie in dirre werlt hetin .
 30r,19 unt der lip . wider zuo der saele kumet . unt niemer maere
 30r,20 irstaerbin megen in den ewigen gnadin . so wirt allirerst der
 30r,21 staetige fride . want nihaein sorge so kleine ist . die si iemmer
 30r,22 maere giwinnen . unt habent sogitane wunne . quam
 30r,23 oculus non vidit nec auris audivit . nec in cor hominis ascendit .
 30r,24 Div wuonne . div da ze himel ist . die ne mac nihein ovge . ubirsachen .
 30r,25 noch nehein ore ubirhoeren . noch nehein herce irdenken .
 30r,26 da uon hat gesprochen der heilige wissage dauid

30v,1 “Melior est dies una in atriis tuis super millia . Iz ist ein tag in mins
 30v,2 trehtins gnaden . in sinem riche bezzir . denne tusent tage in
 30v,3 disem zirgaenlichem libe .” Uon dem einem tage min uil lieben
 30v,4 scul wir so uirsten . da ze gnaden ist niht wan einiger tac .
 30v,5 der nimet ovch niemer mer ende . want da ist daz ewige licht .
 30v,6 da ne wirt ovch niemer wedir naht noch uinster . Min uil lieben
 30v,7 ir habet uil dicke uernomen . wie unsir uordern adam
 30v,8 unt eua uz dem pardyse . durch ir unghorsam uerstozen
 30v,9 wuorden . in dizze ellende . da sie unt alle ir aftirkome . iemer
 30v,10 mer mit laeide . unt mit arbeite . ane gotes hulde . inne wesen
 30v,11 muosen . unze daz der gotessuon . uon sin selbes barmherce
 30v,12 in der gihorsam sines ewigen uaters . die mennischeit an
 30v,13 sich nam . unt der selben gehorsam also uerre uolgite . unze daz
 30v,14 er den tot an dem heiligen krivce ginam . da mit er alliz
 30v,15 mankunne uon dem ewigen tode irdediget hat . Nu habet
 30v,16 min uil lieben die marter unsers herren ih-u xp-i taegelichen
 30v,17 uor iwern ovgen . unt bildet sie nach mit allen guoten werken .
 30v,18 so gewinnet ir den sig an dem laeiden uiende . unt komet alle
 30v,19 zu der gnozschefte der heiligen engile . Durch daz so traget
 30v,20 ir die palmen hiute in der hant . daz ir da mit divtet . daz
 30v,21 ir got gerne uolgen welt . zuo der sinen martir . unt daz ir
 30v,22 dem tivfel gerne an gesigen welt . mit siner helfe .